

Yeshua, E Hebreo di Dios, Esun ku ta Digno!!!

Ora boso drenta kualke siudat òf pueblo, Investigá ken einan ta Digno di Risibí boso i keda serka dje te ora boso bai for di e lugá ei. Ora boso drenta e kas, Kumindá e hendenan ku e saludo di Pas. Si e hendenan di e kas ta Digno, laga e Pas ku boso a deseá nan, baha riba nan i si e hendenan di e kas no ta Digno, hala boso palabranan di Pas atras. (Mateo 10:11-13).

Esun ku Stima su mama òf su tata mas ku Mi, no ta Digno di pertenesé na Mi; esun ku Stima su yu hòMBER òf su yu muhé mas ku Ami, no ta Digno di pertenesé na Mi. Esun ku no hisa su krus sigui Mi, no ta Digno di pertenesé na Mi. (Mateo 10:37-38).

E delegashon ku e fariseonan a manda, a bis'é: 'Anto ki mishi bo ta batisá hende, si bo no ta ni e Mesias, ni Elías, ni e Profeta?' Juan a kontestá nan: 'Ami ta batisá ku awa. Pero tin Un ku boso no konosé meimei di boso! E ta bini despues di mi, ma mi no ta Digno pa ni sikiera bùk lòs Su Sandalia.' (Juan 1:24-27)

Awor, den 2022, abo mester Sabi i tin e Siguransa ku ta Un so ta Digno!!!
Yeshua, e Mesias, e Profeta, Esun Ungí ta Digno, di abo su Amor!!!
Yeshua, e Mesias, e Profeta, Esun Ungí ta Digno, di abo su Alabansa!!!
Yeshua, e Mesias, e Profeta, Esun Ungí ta Digno, di abo su Adorashon!!!
Yeshua, e Mesias, e Profeta, Esun Ungí ta Digno, di abo su Aklamashon!!!

E Profeta, Yeshua ta Digno di abo su Amor, ta nifiká ku abo su Amor ta wòrdu tuma na Serio, abo su Amor ta serka un Hende di Konfiansa. E Hende aki Sabi kon Balioso abo su Amor ta, ku E no ta neglighá abo su Amor. E Hende aki ta Respetá abo su Amor pasombra E ta Anhelá di ta den abo su Bida. E Hende aki ta Digno di abo su Amor, Alabansa, Adorashon i Aklamashon.

Awor abo por husa e palabra Digno komo un abreviashon ku ta DIGNO!!!
Awor kiko e abreviashon DIGNO ta nifiká pa abo?
Derecho Israelita Glorifika Noble Orashon!!!

Ora abo ta hasi Orashon laga esaki ta un Noble Orashon, un Orashon ku ta Respetá e Derecho Israelita, un Orashon ku ta Glorifika e Derecho Israelita, un Orashon ku ta Berdadero, Hustu, Puru, Agradabel i Honorabel. Laga abo su Orashon ta Digno di ser risibí i akompañá pa un Amor Inkondishonal.

Yeshua ta Digno, E ta un Hebreo di Fama, un Hudiu Renombra. E ta un Israelita Honorabel i di Elogio yena ku Amor Inkondishonal pa duna abo. Asina aki un hòMBER di edat avansá mester ta Moderá, Digno di Rèspèt i Prudente; nan mester ta Sano den nan Fe, Amor i Perseveransia. (Tito 2:2).

20 febrüari 2022

Sea Bendishoná ku e Amor di Dios Tata; Yeshua Mesias
Un Fiel Sirbidó di Dios,
Remsly L Riley.